

STATUTI I SHOQËRISË
"MEDIA KONCEPT" SH.P.K.

Sot, më datë 16.12.2019 (dymijë e nëntëmbëdhjetë), në mbështetje të Ligjit nr.9901, datë 14.04.2008 "Për Tregtarët dhe Shoqëritë Tregtare" si dhe të Ligjit nr.9723, datë 03.05.2007 "Për Qendrën Kombëtare të Regjistrimit", personat e mëposhtëm vendosën të formojnë shoqërinë sipas termave në vijim:

KREU 1

THEMELIMI , EMRI, OBJEKTI, KOHEZGJATJA, SELIA

NENI 1

DATA E THEMELIMIT, EMRI DHE THEMELUESIT

1. Sot ne date 16.12.2019, u themelua shoqeria me pergjegjesi te kufizuar me emrin **"MEDIA KONCEPT" SH.P.K.**
2. Themelueset e shoqerisë:
 - **Erida Shani**, atesia Aristidh, e lindur më 15.08.1980 në Fier dhe banuese në Tiranë, madhore me zotesi te plote juridike dhe per te vepruar, e identifikuar me kartë identiteti me nr. 029874027 dhe nr.personal I05815103J
 - **Karolina Rista**, atësia Perikli, e lindur 05.04.1979 në dhe banuese në Tiranë, madhore me zotesi te plote juridike dhe per te vepruar, e identifikuar me kartë identiteti me nr. 034699066 dhe nr.personal H95405200G.

NENI 2

OBJEKTI I SHOQERISE

Objekt i kësaj shoqerie do të jetë:

Kompania ka për objekt:

- Ofrimin e shërbimeve në fushën e prodhimit dhe realizimit te produkteve audio vizuale.
- Realizimin e spoteve, dokumentareve, reportazheve, videove etj
- Organizimin e konferencave, seminareve, trajnimeve apo aktiviteteteve te tjera te ketij lloji.
- PR, marketing, vizibilitet sipas kerkesave te kontraktuesve
- Realizimin e sondazheve, monitorimeve, studimeve etj
- Ngritje e kapaciteteve mediatike, profesionale etj sipas kerkesave te kontraktuesve.
- Fushata publicitare, ndergjegjesuese, promovuese etj sipas kerkesave te kontraktuesve.
- Realizimin e eventeve te cdo lloji.
- Trajnime, rrjetezime, aftesimeve profesionale etj.
- Konsulence, ideim dhe brendim sipas kerkesave te kontraktuesve

Per te gjitha aktivitetete qe kerkojne licenca te veçanta shoqeria do te angazhohet qe tani per te plotesuar kerkesat e ligjeve te posacme.

NENI 3

KOHEZGJATJA

Kohezgjatja e shoqerise do te jete me afat te pacaktuar.

NENI 4
SELIA E SHOQERISE

Selia e Shoqerise eshte ne adresen: Rruga "Skënderbej", Ndërtesa 31/1 Tiranë .

KREU II
KAPITALI

NENI 5
KAPITALI I REGJISTRUAR

Kapitali i regjistruar i shoqerise do te jete **100 (njëqind) leke** i perbere nga 2 kuota.

Pjesëmarrja e ortakeve themeluese në kapitalin e shoqërisë do të jetë:

Kontributi ne kapitalin e shoqerise zoterohet ne masen 50% nga Ortakja:

- **Karolina Rista**, atësia Perikli, e lindur 05.04.1979 në Durrës dhe banuese në Tiranë, madhore me zotesi te plote juridike dhe per te vepruar, e identifikuar me kartë identiteti me nr. 034699066 dhe nr.personal H95405200G.

dhe 50% nga Ortakja:

- **Erida Shani**, atesia Aristidh, e lindur më 15.08.1980 në Fier dhe banuese në Tiranë, madhore me zotesi te plote juridike dhe per te vepruar, e identifikuar me kartë identiteti me nr. 029874027 dhe nr.personal I05815103J

Kontributi i ortakeve mund te jete ne para ose ne natyre (pasuri te luajshme/te paluajshme, apo të drejta).

NENI 6
ZMADHIMI DHE ZVOGELIMI I KAPITALIT

Kapitali i shoqerise mund te zmadhohet nepermjet nenshkrimeve te pjeseve te kapitalit te regjistruar per kontribute ne para dhe me ane te kontributeve ne natyre, nepermjet emerimit nga gjykata kompetente e nje eksperti te autorizuar per keto kontribute.

Ne asnje rast shumica nuk mund te detyroje nje ortak per te rritur angazhimin e tij ne kapitalin te regjistruar te shoqerise.

Zvogelimi i kapitalit lejohet nga asambleja e ortakeve, e cila merr vendim ne te njejtat kushte qe kerkohet per ndryshimin e statutit.

Ne te gjitha rastet zvogelimi prek ne te njejtën mase ndaj pjeseve te kapitalit qe perfaqsojne.

NENI 7
TRANSFERIMI I KAPITALIT

Kuotat e kapitalit te nje shoqerie me pergjegjesi te kufizuar e te drejtat qe rrjedhin prej tyre mund te fitohen apo te kalohen si me poshte:

- a) Kontributit ne kapitalin e shoqerise
- b) Shitblerjes
- c) Trashëgimise
- d) Dhurimit
- e) Cdo menyre tjeter percaktuar ne ligj.

Pjeset e kapitalit jane lirisht te transferueshme.

KREU III
ORGANET VENDIMARRESE DHE DREJTUESE

NENI 8
ORGANET VENDIMARRESE

Asambleja e Ortakeve eshte organi i vetem vendimares i shoqerise.

Asambleja e pergjithshme eshte kompetente per marrjen e vendimeve per shoqerine per çeshtjet si me poshte:

- a) Percaktimi i politikave tregetare te shoqerise
- b) Ndryshimet e statutit
- c) Emerimin dhe shkarkimin e administratoreve
- d) Emerimin dhe shkarkimin e likujdatoreve dhe eksperteve kontabel te autorizuar
- e) percaktimi i shperblimeve per personat e permendur ne shkronjat c) e d)
- f) Mbikqyrja e zbatimit te politikave tregetare nga administratoret perfshire pergatitjen e pasqyrave financiare vjetore dhe te raporteve te ecurise se veprimtarise
- g) Miratimi i bilanceve
- h) Zmadhim dhe zvogelim kapitali
- i) Pjestimin e kuotave dhe anullimin e tyre
- j) Perfaqesimin ne gjykate dhe ne procedimet e tjera ndaj administratoreve
- k) Riorganizimi dhe prishja e shoqerise
- l) Miraton rregulla proceduriale te mbledhjeve te asamblese
- m) Ceshtje te tjera te parashikuara nga ligji apo statuti

Ortaku mund te perfaqesohet ne asamblene e pergjithshme, ne baze te nje autorizimi nga nje ortak tjetër apo nga nje person i trete. Administratori i shoqerise nuk mund te veproje si perfaqesues i ortakeve ne asamblene e pergjithshme. Autorizimi mund te jepet vetem per nje mbledhje, e cila perfshin edhe mbledhjet vijuese me te njejtin rend dite.

NENI 9
THIRRJA E MBLEDHJES SE ASAMBLESE SE PERGJITHSHME

Asambleja e pergjithshme thirret nepermjet nje njoftimi me shkrese ose me njoftim nepermjet postes elektronike. Njoftimi duhet te permbaje vendin, daten, oren e mbledhjes dhe rendin e dites e t'u dergohet te gjithe ortakeve, jo me vone se 7 dite perpara dates se parashikuar per mbledhjen e asamblese

Kur asambleja e pergjithshme nuk eshte thirrur sipas pikes 1 te ketij neni, ajo mund te marre vendime te vlefshme vetem nese te gjithe ortakët jane dakort, per te marre vendime, pavaresisht parregullsise.

NENI 10
KUORUMI

Ne rastin e marrjes se vendimeve, qe kerkojne nje shumice te zakonshme, asambleja e pergjithshme mund te marre vendime te vlefshme vetem nese marrin pjese ortakët, qe zoterojne me shume se 30 % te kuotave.

Ne rastin kur asambleja e pergjithshme duhet te vendose per ceshtje, te cilat kerkojne shumice te kualifikuar sipas nenit 87 te ligjit "Per tregetaret dhe Shoqerite tregetare", ajo mund te marre vendime te vlefshme vetem, nese ortakët qe zoterojne me shume se gjysmen e numrit total te votave, jane te pranishem personalisht, votojne me shkrese, apo mjete elektronike, sipas parashikimeve te pikes 3 te nenit 88 te ketij ligji.

Nese kuorumi te permendur ne paragrafin e mesiperem nuk arrihet, asambleja e pergjithshme, mbledhet perseri jo me vone se 30 dite, me te njejtin rend dite.

NENI 11
MARRJA E VENDIMEVE

Asambleja e pergjithshme vendos me $\frac{3}{4}$ e votave te zoteruesve te kapitalit te ortakeve pjesmarres, per ndryshimin e statusit zmadhimin ose zvoglimin e kapitalit te regjistruar, shperndarjen e fitimeve, riorganizimin dhe prishjen e shoqerise.

Asambleja e pergjithshme vendos me shumicen e votave te ortakeve pjesmarres, per ceshtjen te tjera.

Cdo ndryshim statuti duhet te depozitohet prane **QKB** per te pasqyruar ndryshimet ne regjistrin e shoqerise.

NENI 12

PERJASHTIMI NGA E DREJTA E VOTES

Ortaku nuk mund te ushtroje te drejten e votes nese asambleja e pergjithshme merr vendimin per:

- a) vleresimin e veprimtarise se tij
- b) shuarjen e ndonje detyrimi ne ngarkim te tij
- c) ngritjen e nje padije ndaj tij nga shoqeria
- d) dhenien ose jo te perfitimeve te reja

Kur ortaku perfaqsohet nga nje perfaqses i autorizuar, i autorizuari vleresohet te jete ne te njejtin konflikt interesi, ashtu si dhe ortaku, te cilin perfaqeson.

NENI 13

ADMINISTRIMI

Asambleja e pergjithshme emerion dy persona fizik si administratore te shoqerise qe mund te funksionojne edhe veç e veç. Afati i emerimit, eshte 5 vjet me te drejte rizgjedhje mes ortakeve. Emerimi i administratoreve prodhon efekte ndaj të tretëve pas regjistrimit ne QKB.

Personi i meposhtem caktohen Administratorë të shoqerise:

- **Karolina Rista**, atësia Perikli, e lindur 05.04.1979 në dhe banuese në Tiranë, madhore me zotesi te plote juridike dhe per te vepruar, e identifikuar me kartë identiteti me nr. 034699066 dhe nr.personal H95405200G.
- **Erida Shani**, atesia Aristidh, e lindur më 15.08.1980 në Fier dhe banuese në Tiranë, madhore me zotesi te plote juridike dhe per te vepruar, e identifikuar me kartë identiteti me nr. 029874027 dhe nr.personal I05815103J

NENI 14

KOMPETENCAT E ADMINISTRATOREVE

- (1) Veprimtaria tregtare e shoqërisë menaxhohet nga Administratorët, të cilët mund t'i ushtrojnë të gjitha kompetencat e shoqërisë që nuk i janë rezervuar Asambesë së Përgjithshme nga neni 81 i Ligjit nr. 9901, datë 14.4.2008 "Për tregtarët dhe shoqëritë tregtare".
- (2) Administratorët nuk mund të delegojnë asnjërin prej detyrimeve, të cilat i'u ngarkohen me ligj, **ndërsa mund të delegojnë kompetencat e tjera në përputhje me nevojat për t'i bërë ballë rasteve të pamundësisë objektive për të vepruar vetë apo rasteve të urgjencës.**
- (3) Administratorët kane te drejte dhe detyrohen të:
 - a) Kryejne te gjitha veprimet e administrimit te vendosura nga asambleja e pergjithshme duke zbatuar politikat tregtare ;
 - b) Perfaqesojne shoqerine;

- c) Kujdesen për mbajtjen e sakte e të rregullt të dokumentave dhe librave kontabel të shoqërisë;
- d) Përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe së bashku me propozimet për shpërndarjen e fitimeve, i paraqesin këto dokumente përpara Asamblesë së Përgjithshme për miratim;
- e) Krijojnë një sistem paralajmërimi në kohën e duhur për rrethanat, që kercenojnë mbarevajtjen e veprimtarisë dhe ekzistencën e shoqërisë;
- f) Kryejnë regjistrimet dhe dergojnë të dhëna e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- g) Raportojnë para Asamblesë së Përgjithshme nëpërmjet relacioneve mbi zbatimin e politikave tregëtare dhe të veprimeve të posaçme me rëndësi të vecante për veprimtarinë e shoqërisë;
- h) Kryejnë detyra të tjera të parashikuara nga ligji dhe statuti.

Asambleja e përgjithshme mundet në çdo moment, të shkarkojë administratorin me shumicë të thjeshtë të votave. Statuti ose rregulloret e tjera nuk mund ta kufizojnë ose heqin këte të drejtë.

Administratoret detyrohen të thërrasin Asamblesë e përgjithshme kur:

- a) Sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- b) Shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuar.
- c) Shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuar.

NENI 15

PERGJEGJESITË E ADMINISTRATORIT

1. Administratori është përgjegjës individualisht ndaj shoqërisë ndaj të treteve, për shkelje të ligjeve, për shkelje të statutit, apo për fajet kryera gjatë administrimit të shoqërisë. Administratoret të cilët kanë kryer veprime ose bërë marrëveshje të pa aprovuara nga asambleja, janë përgjegjës për demet e sjella shoqërisë dhe përgjigjen personalisht ose solidarisht për pasojat.

Perveç sa është parashikuar në nenet 14, 15, 17 dhe 18 të ligjit "Për tregëtarët dhe shoqëritë tregëtare", administratoret detyrohen:

- a) Të kryejnë detyrat e tyre të percaktuara në ligj dhe në statut në mirëbesim e në interesin më të mirë të shoqërisë në teresi, duke i kushtuar vëmendje të veçantë ndikimit të veprimtarisë së shoqërisë në mjedis;
 - b) Të ushtrojnë kompetencat që i njihen me ligj dhe statut, vetëm për arritjen e qëllimeve të percaktuara në këto;
 - c) Të vlerësojnë me përgjegjësi çështjet, për të cilat merret vendim;
 - d) Të parandalojnë dhe evitojnë rastet e konfliktit aktual o të mundshëm të interesave të tij me ato të shoqërisë;
 - e) Të ushtrojnë detyrat e tij me profesionalizëm dhe kujdesin e nevojshëm.
2. Administratoret gjatë kryerjes së detyrave të tij, përgjigjen ndaj shoqërisë për çdo veprim apo mosveprim që lidhet në mënyrë të arsyeshme me qëllimet e shoqërisë tregëtare, me përjashtim të rasteve kur në bazë të hetimit dhe vlerësimit të informacioneve përkatëse veprimi ose mosveprimi është kryer në mirëbesim.
 3. Nëse administratori vepron në kundërshtim me detyrat dhe shkel standartet profesionale sipas pikave 1 dhe 2 të këtij neni është i detyruar të demshpërblejë shoqërisë demet që rrjedhin nga

kryerja e shkeljes si dhe ti kaloje cdo fitim personal qe ata apo personat e lidhur me ta kane realizuar nga keto veprime te parregulta.

4. Pervec padise per shlyerjen e demit qe i ngarkohet personalisht administratorit, ortaket individualisht ose se bashku kane te drejte te ngrene padi penale kunder administratorit. Asambleja nuk mund te marre vendim te ndaloje ngritjen e kerkese padise kunder administratorit per gabimet e kryera prej tij .

KREU IV VITI FINANCIAR –EKSPERTET

NENI 16 VITI FINANCIAR

Viti financiar i Shoqerise fillon me 1 janar dhe perfundon ne 31 Dhjetor, Perjashtimisht , viti i pare financiar fillon nga data e regjistrimit te shoqerise ne QKB dhe mbyllet me 31 dhjetor.

NENI 17 EKSPERTET

Eksperti ka per detyre qe te kontrolloje te gjitha dokumentacionin kontabel te veprimtarise ekonomiko tregtare te shoqerise, dhe ate ne lidhje me kontrollet periodike te ushtruara prej tij, per rastet kur ai eshte ngarkuar dhe ka kryer nje gje te tille i ngarkuar nga ana e ortakeve. Ne permbushje te kesaj detyre eksperti kontabel i autorizuar pergatit raportin me shkrim per nxjerrjen e rezultatit te bilancit financiar vjetor si dhe per ate per kontrollet periodike te ushtruara.

KREU V PRISHJA-RIORGANIZIMI I SHOQERISE

NENI 18 PRISHJA DHE LIKUJDIMI I SHOQERISE

Shoqeria konsiderohet e shperndare kur:

- a) Kur mbaron kohezgjatja e parashikuar e shoqerise
- b) Me vendimet e asamblese se Ortakeve
- c) Me hapjen e procedurave te falimentit
- d) Nese nuk zhvillon aktivitet tregetar per 2 vjet dhe nuk eshte njoftuar pezullimi i veprimtarise ne perputhje me piken 3 te nenit 43 te ligjit nr. 9723 date 03.05.2007 Per Qendren Kombetare et Regjistrimit,
- e) Me vendim gjykate.

NENI 19 RIORGANIZIMI I SHOQERISE

Shoqeria mund te ndahet, bashkohet sipas vendimit te Mbledhjes se Pergjithshme te Asamblese se Ortakeve, ne perputhje me dispozitat ligjore te ligjit mbi shoqerite tregtare.

NENI 20 LEGJISLACIONI

Shoqeria do te zhvilloje aktivitetin e saj ne perputhje te plote me statutin, legjislacionin shqiptar dhe Ligjin nr.9901 date 14.04.2012 “Per tregtarët dhe shoqëritë tregtare”.

NENI 21 MOSMARREVESHJET

Per mosmarrveshjet midis ortakeve te shoqerise, ose shoqerise me te tretet, gjykata kompetente per zgjidhjen e tyre do te jete Gjykata Shqiptare.

Ky akt u redaktua ne 1 (nje) kopje ne gjuhen shqipe dhe u nënshkrua me vullnet të plotë dhe të lirë nga ortaket themeluese te shoqërisë Erida Shani dhe Karolina Rista.

ORTAKET THEMELUESE

Erdle Sioni



Karolina Risto

Heidi 19!